

HAUSTGLEÐI Í KRÓATÍU



18. - 25. september 2026

Fararstjórn: Ragnildur Aðalsteinsdóttir

Haust 1
Króatía

Ferðalýsing

Það er draumi líkast að ferðast um **eyjaperlur Króatíu** úti fyrir **Kvarner flóa** og kynna sér menningu og lífnaðarhætti eyjarskeggja. Flogið verður til Feneyja en síðan ekið til bæjarperlunnar **Malinska** en hann er einn vinsælasti ferðamannabærinn á eyjunni Krk. Það er vel skiljanlegt, hér eru fagrar strendur, grónar hliðar og yfir 2000 sólarstundir á ári. Hér gistum við í sjö nætur við Rova ströndina. Farið verður í töfrandi dagsferðir, meðal annars heimsækjum við höfuðstað eyjunnar, virkisbæinn **Krk** en þessi fjölsótti bær er menningarmiðstöð eyjunnar, líflegur og skemmtilegur. Við siglum yfir til **Cres**, sem er næst stærsta eyja **Adríahafsins** á eftir Krk. Hún er tengd við eyjuna **Lošinj** sem er sannkölluð blóma- og furuparadís. Þar skoðum við yndislega bæinn **Mali Lošinj** með sínum þröngu, hlykkjóttu hliðargötum og dýrðlega útsýni. Við skoðum einnig **Vrelo** dropasteinshellinn og fallega strandbæinn **Opatija** sem stendur við **Kvarner** flóann. Hann var vinsæll dvalarstaður fyrimenna á 19. öldinni og gjarnan líkt við borgina Nice, enda er hér mikil náttúrufegurð, fallegar byggingar og glæsilegir garðar. Í þessari frábæru ferð njótum við þess að ferðast um sólríkar eyjar Króatíu og nágrenni þeirra með fallest Adríahafið í bakgrunni. Náttúrufegurð, menning og afslöppun er það sem einkennir þessa ferð.

8 dagar | 7 nætur Malinska



18. september | Flug til Feneyja & Malinska í Króatíu

Brottför frá Keflavík kl. 08:20 og mæting í Leifsstöð u.þ.b. 2,5 klst. fyrir brottför. Lending í Feneyjum kl. 15:00 að staðartíma. Nú verður stefnan tekin til bæjarins Malinska á Krk eyjunni þar sem gist verður á hóteli við Rova ströndina. Malinska er í um 260 km fjarlægð frá flugvellinum í Feneyjum. Malinska er einn af aðal ferðamannabæjum landsins og er mjög líflegur og skemmtilegur. Á hótelinu eru tvær sundlaugar, sólbaðsaðstaða, heilsulind, fallegur garður og strönd. Hótelið er í u.þ.b. 35 mínútna göngufæri frá miðbænum í Malinska.

19. september | Skoðunarferð í Malinska & Rova ströndin

Við ætlum að taka lífinu með ró í dag og skoða umhverfið í þessum fagra bæ við Kvarner flóann. Það verður ekið inn í miðbæ Malinska en íbúarnir eru um 3.150 talsins.

Bærinn er einn vinsælasti

ferðamannabærinn á eyjunni með yfir 2000 sólarstundir á ári. Þetta fyrrum sjávarþorp hefur haldið sínum sjarma og yfirbragði til þessa dags.

Eftir skoðunarferð gefst frjáls tími til að að kanna umhverfið á eigin vegum og fá sér hádegishressingu áður en ekið verður á hótelið okkar. Þá er upplagt að kanna ströndina og umhverfið eða nýta sér þá frábæru aðstöðu sem hótelið býður upp á.



20. september | Eyjan Krk & vínbóndi

Ævintýraferð í dag um fallegu eyjuna Krk með heimamanni sem fræðir okkur um líf eyjarskeggja, menningu og listir. Eyjan er tengd meginlandinu með Krk brúnni eða svokallaðri Tito-brú eins og hún hét áður. Hún var byggð stuttu eftir lát forseta landsins árið 1980 og er nefnd eftir honum. Nú býður höfuðstaður eyjunnar eftir okkur, gamli virkisbærinn Krk. Þessi fjölsótti bær er menningarmiðstöð eyjunnar og við upplifum hann á skemmtilegri göngu en fáum einnig frjálstan tíma til að upplifa borgina á eigin vegum. Þessi góði dagur endar á akstri til bæjarins Vrbnik þar sem vínbóndi verður heimsóttur.



21. september | Vrelo hellirinn í Fužine & standbærinn Opatija



Í dag förum við upp á meginlandið og könnum Vrelo dropasteinshellinn sem stendur rétt fyrir utan litla bæinn Fužine. Hann er um 3,5-4 milljón ára gamall og allt að 300 metra langur. Í hellinum eru fallegar dropasteinsmyndanir og í gegnum hann rennur á en flæðið í henni er mismunandi eftir regnfalli ofanjarðar. Það er frábært aðgengi í hellinn þar sem hann er allur á jafnsléttu. Gott er að hafa með sér hlýja flík því hitastigið er um 8°C allan ársins hring.

Næst liggur leið okkar til strandarinnar í fallega bæinn Opatija við Kvarner flóa. Hann varð vinsæll heilsudvalarstaður hjá fyrirfólki um miðja 19. öld þegar keisaradæmið Austurríki-Ungverjaland var á sínu blómaskeiði. Stundum var talað um Opatija sem hið austurríska Nice enda eru hér völdug glæsihýsi frá tímum Habsborgara, fallegir garðar og 12 km langur strandstígur, Lungomare. Hér er dásamlegt útsýni yfir Adríahafið, grónar hæðir og blómaskrúð. Einnig fjölmörg kaffihús og góðir veitingastaðir sem eru þekktir fyrir sitt ferska og góða hráefni úr héraði, eins og trufflur og aspás og einnig frábæra sjávarrétti. Hér er upplagt að fá sér góða hádegishressingu og síðan gefst tími til að röltu um og skoða þennan fallega bæ eða slaka á við sjávarsíðuna.

22. september | Ljúfur dagur í Malinska

Nú eigum við ljúfan dag og er upplagt að nota þessa góðu aðstöðu við hótelið eða fá sér sundsprett í Adríahafinu. Fara í skemmtilega gönguferð inn í Malinska og skoða sig betur um á eigin vegum. Einnig er hægt að panta sér tíma í heilsulind hótelsins.



23. september | Eyjarnar Cres, Lošinj & Mali Lošinj



Í dag ætlum við að fara í smá eyjahopp. Byrjum á því að aka til Valbiska á Krk þar sem við tökum ferju yfir til Merag á Cres sem er ein af landbúnaðareyjunum. Ekið verður yfir á eyjuna Lošinj sem er blóma- og furuparadís eyjanna í Króatíu. Hér er að finna suðrænan gróður, s.s. pálma- og furutré, agave plöntur, lárviðarrós, sítrónutré, salvíu og lofnarblóm. Eyjan telst til sólríkustu staða Evrópu og státar af yfir 2500 sólarstundum á ári, sem þýðir að það eru um 300 dagar sem eru

nánast skýjalausir á ári hverju. Höfuðstaðurinn er Mali Lošinj en þar liggur miðbærinn upp frá smábátahöfninni með fjölmörgum, huggulegum verslunum og kaffi- og veitingahúsum sem bjóða upp á dæmigerða Miðjarðarhafsrétti. Það er gaman að ganga um þröngar, hlykkjóttar hliðargötur og fara upp að aðalkirkju bæjarins en þaðan er dýrðlegt útsýni yfir bæinn og flóann.

24. september | Frídagur í Malinska

Rólegur dagur í Malinska þar sem upplagt er að nýta sér aðstöðuna á hótelinu. Einnig er hægt að fá sér göngutúr um bæinn, skoða mannlífið, kíkja í verslanir, á kaffihús eða veitingastaði. Tilvalið er að fara í bátsferðir meðfram ströndinni eða út í nærliggjandi eyjar.



25. september | Heimferð frá Feneyjum

Nú er komið að heimferð eftir ævintýrlega og skemmtilegu ferð. Við förum frá Malinska og ökum til Feneyja. Brottför þaðan kl. 16:10 og landing í Keflavík kl. 18:50 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.



Verð

289.900 kr. á mann í tvíbýli | 55.000 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgun- og kvöldverðir á hóteli.
- ✓ Allar skoðunarferðir með rútu samkvæmt ferðalýsingu.
- ✓ Aðgangur í Vrelo dropasteinshellana.
- ✓ Heimsókn til vínbónda á eyjunni KRK ásamt léttu snarli.
- ✓ Sigling til eyjunnar Cres.
- ✓ Íslensk fararstjórn.



Ekki innifalið

- ✓ Aðgangseyrir inn í söfn, hallir, kláfa og kirkjur.
- ✓ Siglingar.
- ✓ Hádegisverðir.
- ✓ Þjóf fé.
- ✓ Ferða- og forfallatryggingar.

Hótel

- ✓ Hotel Blue Waves Resort í Malinska á KRK

Nánari upplýsingar

Vert er að hafa í huga að þrátt fyrir að Bændaferðir séu alla jafna þægilegar rútuferðir er alltaf einhver ganga, t.d. í bæjarferðum. Margar evrópskar borgir eru bæði hæðóttar og ójafnar undir fæti og aðgengi að áfangastöðum þannig að leggja þarf rúttunni mislangt frá. Ef þú hefur einhverjar vangaveltur varðandi þetta vinsamlegast ekki hika við að hafa samband við skrifstofu Bændaferða.

